

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije BiH broj: 12/03, 34/03 i 65/13), člana 25. i 34. Zakona o ustanovama („Službeni list Republike Bosne i Hercegovine“ broj: 6/92, 8/93 i 13/94), člana 18. i 19. Odluke o osnivanju Javne ustanove „Kantonalni fond za pomoć u stambenom zbrinjavanju porodica šehida i poginulih boraca, ratnih vojnih invalida, demobilisanih boraca, prognanih osoba i socijalno ugroženih kategorija („Službeni glasnik Unsko-sanskog kantona“ broj 07/08, 5/13 i 4/15), odredbama Odluke Vlade Unsko – sanskog kantona o kriterijima za nominiranje/imenovanje članova Upravnog i Nadzornog odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ („Službeni glasnik Unsko-sanskog kantona“ broj: 6/15 i 7/15), a u vezi sa Zaključkom Vlade Unsko-sanskog kantona broj: 03-02-44-401/2026 od 17. 3. 2026. godine, Vlada Unsko-sanskog kantona objavljuje da se

PONIŠTAVA

Ponovni Javni oglas za izbor i imenovanje predsjednika i članova Upravnog odbora i Javni oglas za izbor i imenovanje na pozicije predsjednika i članova Nadzornog odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać, objavljenim u dnevnim novinama „Dnevni avaz“ dana 10.2.2026. godine i „Službenim novinama Federacije Bosne i Hercegovine“ broj: 12/26, zbog nedovoljnog broja prijava i raspisuje

PONOVNI JAVNI OGLAS

ZA IZBOR I IMENOVANJE NA POZICIJE PREDSJEDNIKA I ČLANOVA UPRAVNOG ODBORA I POZICIJE PREDSJEDNIKA I ČLANOVA NADZORNOG ODBORA JAVNE USTANOVE „KANTONALNI FOND ZA POMOĆ U STAMBENOM ZBRINJAVANJU I ZAPOSŁJAVANJU BORAČKIH POPULACIJA, PROGNAH OSOBA I SOCIJALNO UGROŽENIH KATEGORIJA“ BIHAĆ.

I Predmet

Raspisuje se Javni oglas za izbor i imenovanje :

a) predsjednika i članova Upravnog odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ (u daljnjem tekstu: Kantonalni fond).

Upravni odbor Kantonalnog fonda čini pet članova uključujući i predsjednika i to:

- jedan član - ispred porodica šehida,
- jedan član - ispred ratnih vojnih invalida,
- jedan član - ispred demobilisanih boraca,
- jedan član - ispred osnivača,
- jedan član - ispred Kantonalnog fonda.

b) predsjednika i članova Nadzornog odbora Kantonalnog fonda.

Nadzorni odbor Kantonalnog fonda čine tri člana uključujući i predsjednika i to:

- jedan član - iz reda stručnih zaposlenika Kantonalnog fonda.

II Mandat

Predsjednik i članovi Upravnog odbora i Nadzornog odbora Kantonalnog fonda imenuju se na period od četiri godine uz mogućnost ponovnog izbora i imenovanja.

III Opis pozicije predsjednika i člana Upravnog odbora

Predsjednik Upravnog odbora saziva sjednice Upravnog odbora, predlaže dnevni red i predsjedava sjednicama, potpisuje odluke i druge akte donesene na sjednici Upravnog odbora, stara se o primjeni Pravila, drugih općih akata i Poslovnika o radu Upravnog odbora, stara se o pravovremenom izvršavanju programa rada Upravnog odbora, stara se o ostvarivanju saradnje Upravnog odbora Kantonalnog fonda sa zakonodavnim tijelom kantona, Vladom Kantona, resornim ministarstvom i drugim organima i organizacijama, vrši i druge poslove određene Pravilima, Poslovnikom o radu Upravnog odbora, drugim propisima i općim aktima Kantonalnog fonda.

Predsjednik i članovi Upravnog odbora donose Pravila Kantonalnog fonda i druga opća akta od značaja za organizaciju rada i poslovanja Kantonalnog fonda, ostvarivanje prava, obaveza i odgovornosti iz radnih odnosa uz saglasnost Vlade Unsko-sanskog kantona, Pravilnik o radu, unutrašnjoj organizaciji i sistematizaciji radnih mjesta, plaćama i drugim naknadama zaposlenika Kantonalnog fonda uz saglasnost Vlade Unsko-sanskog kantona, imenuje i razrješava direktora Kantonalnog fonda uz saglasnost Vlade Kantona, donose planove i programe izgradnje i prodaje stanova na koje saglasnost daje Skupština Unsko-sanskog kantona, donosi godišnji plan i program rada, donosi Poslovnik o radu Upravnog odbora, prati realizaciju planova i program izgradnje i prodaje stanova, vrši kontrolu namjenskog i racionalnog korištenja sredstava Kantonalnog fonda, utvrđuje kriterije za usmjeravanje i raspoređivanje sredstava i dodjelu izgrađenih stanova, u drugostepenom postupku odlučuje o prigovorima korisnika usluga na rad Kantonalnog fonda i zaposlenika Kantonalnog fonda, predlaže Osnivaču promjene djelatnosti i statusne promjene Kantonalnog fonda, rješava sva pitanja odnosa sa Osnivačem, odlučuje o raspoređivanju sredstava Kantonalnog fonda, odgovara Osnivaču za rezultate rada Kantonalnog fonda, vrši i druge poslove u skladu sa zakonom, drugim propisima, pravilima ili drugim općim aktima Kantonalnog fonda.

IV Opis pozicije predsjednika i člana Nadzornog odbora

Nadzorni odbor analizira izvještaj o poslovanju Kantonalnog fonda, poslove u obavljanju nadzora nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.

V Kandidati za imenovanje na pozicije Upravnog i Nadzornog odbora Kantonalnog fonda treba da ispunjavaju:

- opće i
- posebne uslove.

a) opći uslovi za imenovanje:

Svi kandidati za pozicije u Kantonalnom fondu, koji su predmet ovog Javnog oglasa treba da ispunjavaju sljedeće opće uslove:

- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da se na njega ne odnosi član IX 1. Ustava Bosne i Hercegovine.

b) Posebni uslovi za imenovanje:

Svi kandidati za pozicije u Kantonalnom fondu koji su predmet ovog Javnog oglasa treba pored općih uslova ispunjavati i posebne uslove i to:

- da je državljanin Bosne i Hercegovine,
- da ima visoku ili višu školsku spremu ili diploma visokog obrazovanja 180 ili 240 ECTS bodova,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine,
- da ne obavlja djelatnost konkurentnu djelatnosti Kantonalnom fondu,
- da mu nije odlukom suda zabranjeno obavljanje poslova na poziciji za koju se kandiduje,
- da nije osuđivan za krivično djelo i privredni prestup/prekršaj nespojivo sa dužnošću u Kantonalnom fondu za koju se kandiduje, pet godina od dana pravosnažne presude isključujući vrijeme zatvorske kazne,
- da nema privatni finansijski interes u javnoj ustanovi u kojoj se kandiduje,
- da se protiv njega ne vodi krivični postupak.

VI Potrebni dokumenti:

Uz prijavu na Javni oglas kandidati su dužni priložiti sljedeću dokumentaciju (original ili ovjerenu fotokopiju):

- kraću biografiju, adresu i kontakt telefon,
- izvod iz matične knjige rođenih,
- Uvjerenje o državljanstvu (ne starije od 6 mjeseci),
- izjavu kandidata da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
- izjavu kandidata da se na njega ne odnosi član IX 1. Ustava Bosne i Hercegovine (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
- dokaz o školskoj spremi/diploma,
- dokaz o radnom iskustvu, stručnom usavršavanju,
- izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),

- izjavu kandidata da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
- izjavu da ne obavlja djelatnost konkurentnu djelatnosti Kantonalnom fondu (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
- Uvjerjenje da mu nije odlukom suda izrečena zaštitna mjera zabrane obavljanja djelatnosti/poslova na poziciji za koju se kandiduje,
- Uvjerjenje nije osuđivan za krivično djelo nespojivo sa dužnošću u Kantonalnom fondu za koju se kandiduje, pet godina od dana pravosnažnosti presude isključujući vrijeme zatvorske kazne (uvjerenje Ministarstva unutrašnjih poslova),
- Uvjerjenje nije osuđivan za privredni prestup/prekršaj nespojiv sa dužnošću u Kantonalnom fondu za koju se kandiduje, pet godina od dana pravosnažnosti presude isključujući vrijeme zatvorske kazne (uvjerenje nadležnog suda),
- izjavu da nema privatni finansijski interes u javnog ustanovi u kojoj se kandiduje (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
- Uvjerjenje da se protiv njega ne vodi krivični postupak, od strane nadležnog suda.
- Uvjerjenje/dokaz da je kandidat ispred porodica šehida/poginulog borca, ispred ratnih vojnih invalida, ispred demobilisanih boraca, ispred osnivača, ispred Kantonalnog fonda.

VII Ostale napomene

Svi kandidati koji budu ispunjavali opće i posebne uvjete, odnosno budu ušli u uži izbor bit će pozvani na intervju. Uz poziv za intervju, kandidati će dobiti obrazace u kojim će iznijeti bilo koje pitanje koje bi moglo dovesti do sukoba interesa u slučaju da dođe do konačnog imenovanja (obrazac o sukobu interesa) odnosno da navedu rukovodioca koji može dati preporuke i informacije o tom kandidatu (obrazac o preporukama).

Prilikom intervjua komisija može tražiti podatke od neposrednih ranijih rukovodilaca, preporuke o kandidatima.

Prilikom izbora uzet će se u obzir stručno znanje iz djelatnosti Kantonalnog fonda, rezultati ostvareni u dosadašnjem radu i stručno usavršavanje, sposobnost upravljanja finansijskim sredstvima i ljudskim resursima, sklonost prema timskom radu, komunikacijske i organizacijske sposobnosti, kao i radno iskustvo na poslovima rukovodećih državnih službenika.

Nakon intervjua Komisija za izbor će putem pismene preporuke predložiti rang listu sa najboljim kandidatima Vladi Unsko-sanskog kantona na daljnje postupanje.

Konačno imenovanje će se objaviti u „Službenom glasniku Unsko – sanskog kantona“.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Službene novine Bosne i Hercegovine“ broj: 12/25).

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji Bosne i Hercegovine.

Prigovor na konačno imenovanje se podnosi Vladi Unsko-sanskog kantona, a kopija se dostavlja ombudsmenu za ljudska prava Federacije Bosne i Hercegovine.

Javni oglas ostaje otvoren 15 dana od dana objavljivanja u „Službenim novinama Federacije Bosne i Hercegovine“, a objavit će se i u dnevnim novinama i web stranici Vlade Unsko- sanskog kantona.

Prijave sa svim traženim dokumentima dostaviti lično ili poštom na adresu :

Vlada Unsko-sanskog kantona
Ul. Alije Đerzeleza br. 6 Bihać
Sa naznakom:

Prijava na Javni oglas za imenovanje na pozicije predsjednika i članova Upravnog i Nadzornog odbora Javne ustanove „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija - NE

OTVARAJ

U prijavi kandidati su dužni označiti na koji se poziciju kandiduju.

Neblagovremene prijave neće se razmatrati, a nepotpune i neuredne prijave biti će odbačene.